

جریدہ علمیہ

مشیت جلیلہ، اسلامیہ نمک، جریدہ، رسیہ سیدر

غرة شوال سنہ ۱۳۳۲

عدو : ۵

آبدہ بر نشر اولنور

بربحی سنہ

سوریه ولایتی اوقاف مدیری محمد فائق بک عزلی ایله یرینه صنفک برنجی به
ترفعیه اوامر قلمی مدیری جمیل بک تعیین اولمشدر .
اشبو اراده سینه نك اجراسنه اوقاف ناظری مأمورددر .

۷ رمضان ۱۳۳۲ ۱۷ تموز ۱۳۳۰

محمد رشاد

اوقاف ناظری صدراعظم
خیری محمد سعید

*
**

شورای اوقاف و اوامر قلملرینك بالتوحید مدیریتنه شورای دولت ملنی استیناف
محکمه سی اعضاسندن مرتضی بک اوچ بیک غروش معاشله تعیین اولمشدر .
اشبو اراده سینه نك اجراسنه اوقاف ناظری مأمورددر .

۹ رمضان ۱۳۳۲ ۱۹ تموز ۱۳۳۰

محمد رشاد

اوقاف ناظری صدراعظم
خیری محمد سعید

قوانین و نظامات (*)

فتواخانه نك هیئت افتائیة قسمنه « فتوی اوطه سنه » عائد

نظامنامه صورتیدر :

ماده : ۱ فتواخانه نك هیئت افتائیة دائرہ سنی تشکیل ایدن « فتوی اوطه سی »
تالیف و تحری مسائل ناملریله ایکی شعبه بی محتویدر .

ماده : ۲ هر شعبه به مقام مشیختجه فتواخانه مأمور لرندن مقدار کافی ذوات
تفریق اولنور .

ماده : ۳ تالیف مسائل شعبه سی کتب متداوله ده تصادف ایدیله میان مسائلک صور
حلیه سی تعیین ایدم جک و مقام مشیختدن تنسیب اولتان موضوعلره دائر مذاهب اربعه به

(*) دیوان هایون بککجیلکی طرفندن تبلیغ اولمشدر .

منسوب بالعموم کتب فقهیه و آثار علمیه دن استقرار و ترتیبه مأخذ کو ستره راجع ایده چی مسائل شرعیه بی محتوی مدونات مخصوصه و مشایخ اسلامیة نك زیرینه نقلری بالعلاوه تحت انتظامه آله جق بلا تکرار مطبوع و غیر مطبوع فتوایرندن متشکل و کتب فقهیه ده کی ترتیه موافق محیط الفتاوی وجوده کتیره جکدر .

ماده : ۴ مسققات و مستغلات و فقیه ایله اراضی امیرییه متعلق اوامر سنییه مبتنی ویریلن فتاوی شریفه بی اوامر اخیره نك تعدیلاتی دائره سنده یکیدن ترتیب تألیف مسائل شعبه نك جمله وظائفنددر .

ماده : ۵ فتاوی موجوده ده حادثاته توافقی تأمیناً اجراسنه لزوم کوریه جك تصرفات لفظیه اشبو شعبه طرفندن ایفا اولنور .

ماده : ۶ تألیف مسائل شعبه سی مذهب حنفیه غیر مفتابه عد اولنان بر قولی مصلحت عصره اوفقیئتندن ناشی اختیار ایدر ویا الجای مصلحتله ائمه ثلاثه مذاهنه عائد بر قولی ترجیحاً موافق کوریر ایسه بوبابده مدلاً بر مضبطه تنظیم و فتوی امینته تودیعی ایدر مضبطه نك محتوی بولندینی قول مقام افتانك بالتصویب عرضی اوزرینه اراده سنییه اقتران ایتدکن صکره اساس افتا اولور .

ماده : ۷ تحری مسائل شعبه سی استفتا اولنان حادثاته عائد فتاوی شریفه بی تحری و تنظیم واسئله حقوقیه نك جوابلرینی احضار ایدر .

ماده : ۸ امضایه اقتران ایدن فتاوی شریفه وقرین تصویب اولان اجوبه دفاتر مخصوصه سنه نقلریله برابر تحری مسائل شعبه سی طرفندن قید اولنور .

ماده : ۹ نتایج مساعی بی تألیف شعبه سی اوج آیده بر و تحری مسائل شعبه سی هرآی نهایتده فتوی امانته تودیعی ایدر و فتوی امانتجه کیفیت مقام مشیخته بیلدیریلور .

ماده : ۱۰ اشبو نظامنامه احکامی ایجابی حالنده تعلیماتنامه لر ایله توضیح و توسیع اولته بیلیر .

ماده : ۱۱ اشبو نظامنامه تاریخ نشرندن اعتباراً مرعیدر .

ماده : ۱۲ اشبو نظامنامه نك اجرای احکامنه مقام مشیخت مأمورددر .

اشبو نظامنامه نك موقع مرعيته وضعي ونظامات دولته علاوه سني اراده ايلدم .

۳۰ شعبان سنه ۱۳۳۲ و ۱۰ محرم سنه ۱۳۳۰

محمد رشيد

داخله ناظري	حربه ناظري	شيخ الاسلام و اوقاف هايون ناظري	صدر اعظم و خارجيه ناظري
طلعت	انور	خيري	محمد سعيد
نافعه ناظري	ماليه ناظري	بحريره ناظري	عديله ناظري و شوراي دولت رئيس و وكيل
محمود	بولندي	بولندي	ابراهيم
پوسته و تلغراف و تلفون ناظري	معارف ناظري	تجارت و زراعت ناظري	بولندي
بولندي	احمدشكري		

*
* *

قانون صورتيدر :

ماده : ۱ . بر كيمسه قاضي اوله بيلمك ايچون اولاً يكرمي بش ياشني اكال ايتمش اولوق ثانياً معذرت قانونيه مستثنا اولوق اوزره جرائم عاديهدن طولايي برهفته دن زياده حبس جزاسيله محكوم اولماش بولنق ثالثاً بجه نك بيك يديوز طقسان ايكي ويك يديوز طقسان اوچنچي ماده لرندة محرر اوصاف قضائي حائر اولوق رابعاً مدرسه قضاتدن مأذون بولنق شرطدر . فقط مدرسه مذكوره دن مأذون اوليوب مسلك قضاده خدمتي مسبق اولان ذواتك قاضيكه تعيينلري هر حالده مدرسه قضاتده او قونان درسلدن بالامتحن اثبات اهليت ايتلرينه متوقفدر .

ماده : ۲ . مدرسه قضاتدن نشئت و ياخود برنجي ماده موجبجه بالامتحن اثبات اهليتله اون سنه مدت بالفعل خدمت قضاده بولنهرق فتوى امينك رياستي تحتندة تشكّل ايدجك انجمن مخصوصنجه [*] رويت ولياقتلري و وثوق و اعتماد عامه يه مظهريتلري وسائط مؤتمنه ايله لى التحقيق ثابت اولان حكام شرعه انجمن مشاراليهك بو بابده كي قراري محتوي مضبطلر مقام عالي مشيختك تصويينه اقتران ايتدكدن صكره قانون اساسينك سكران برنجي ماده سنده محرر بروات شريفه اعطا اولنور و صاحب برات اولان قاضيلر ماده مذكوره دن معين حقوق و امتيازاته نائل اولور .

[*] انجمن مخصوص؛ فتوى اميني افندي حضرتلرينك تحت رياستلرندة مقام مشيخت عليا مستشاري ، قاضيه عسكره مجلس تدقيقات شرعيه رئيسي ومدرسة القضاة مديري افنديلر حضراتندن مركب اولوق اوزره تشكّل ايتش و شروط و اوصاف قانونيه يي حائر اولنورق اون سنه مدتي اكال ايله بروات شريفه يه ناليتلري ايجابايدن قضاة كرامه عائدوسيلري تدقيق ايلكده بولنمشدر .

قوه اجرائیه جہ ۱۹ جمادی الاولی سنہ ۱۳۳۱ و ۱۳ نisan سنہ ۱۳۲۹ تاریخندہ تنظیم وموقتاً موقع تطبیقہ وضع ایدیلان اشبولایحہ قانونیہ ۸ تموز سنہ ۱۳۳۰ تاریخندہ مجلس عمومیجہ تعدیلاً قبول اولمشدر .

مجلس اعیان ومبعوثانجہ قبول اولنان اشبولایحہ نك قانونیتی وقوانین دولته علاوہ سنی ارادہ ایلدم .

۷ رمضان ۱۳۳۲ ۱۷ تموز ۱۳۳۰

محمد رشاد

شیخ الاسلام
خیری

صدر اعظم
محمد سعید

*
*

قانون صورتیدر :

مادہ : ۱۰ ہرنہ نام ایلہ اولورسہ اولسون موازنۃ عمومیہ داخلندہ تسویہ اولتمقدہ بولنان بالعموم معاشات ومعینات ومخصصاتدن وخزینۃ خاصہ شاہانہ و اوقاف نظارتی ، زراعت بانکہ سی ، امنیت صندوقی ، حجاز تیموریولی ، سیرسفائ ادارہ سی ، دوائر بلدیہ مأمورلری وبردائرۃ مخصوصہ شکندہ تأسس ایدوب مأمورین ومستخدمینی مخصصاتی تمتع ویرکوسنہ تابع اولیان سائر مؤسسات مأمورین ومستخدمینی معاش ومخصصاتدن و اوقاف نظارتی طرفندن متولیلرہ تسویہ اولنان مبالغدن و اوقاف ملحقہ ومستثنی وقف متولیلرینك طوغریدن طوغری یہ جبايت ایلدکری مبالغک واردات غیر صافیہ سندن شهری یوزده اوچ ویرکو الہ جقدر . معاش ویا مخصصات ومعیناتی اوچ یوزغر وشہ قدر اولنلرایلہ بش یوزغر وشہ قدر معاش ومخصصاتی ومعیناتی اولانلرک اوچ یوزغر وشہ مقداری معافدر .

قوه اجرائیه جہ ۱۹ رجب سنہ ۱۳۳۱ و ۱۱ حیران سنہ ۳۲۹ تاریخندہ تنظیم وموقتاً موقع تطبیقہ وضع ایدیلان اشبولایحہ قانونیہ ۶ تموز سنہ ۱۳۳۰ تاریخندہ مجلس عمومیجہ قبول اولمشدر .

مجلس اعیان ومبعوثانجہ قبول اولنان اشبولایحہ نك قانونیتی وقوانین دولته علاوہ سنی ارادہ ایلدم .

۱۰ رمضان ۱۳۳۲ و ۲۰ تموز ۱۳۳۰

محمد رشاد

مالیہ ناظری
جاوید

صدر اعظم
محمد سعید

قانون صورتیدر:

ماده : ۱ موازنه عمومی داخلنده معاش المقدمه اولان بالعموم اصحاب معاشك اوچ یوزیکری طقوز سنه سی کانون اول معاشلرینک تقاعدیه و معزولیت عائداتی و حرب ویرکوسی چقدقدن صکره باقیسی دونمای عثمانی اعانه سی اوله رق دفعه بودجه یه ایراد قید اولنه جقدر .

ماده : ۲ خزینه خاصه شاهانه، و اوقاف هایون نظارتی، زراعت باقعه سی، امنیت صندوق ، حجاز تیمور یولی ، سیر سفائن اداره سی شهر امانتی ایله طشره و مرکز دوائر بلدییه سی و اداره خصوصیه مأمورلرینک اوچ یوز یکری طقوز سنه سی کانون اول معاشلرندن و اوقاف نظارتی طرفندن متولیره تسویه اولنان محصصات سنویه نك اون ایکیده بری حسابیله بوسه دن برآیلغه اصابت ایدن مقدارندن برنجی ماده ده ذکر اولنان توقیفات و حرب ویرکوسی ایجابنه کوره بعدالطرح باقیسی دوائر عائد سنجه قطع و توقیف اولنوب دونمای عثمانی اعانه سی اوله رق ایراد قید ایدلک اوزره دفعه خزینه یه اعطا قلنه جقدر .

ماده : ۳ قونطور اتویه مربوط اجنبی مأمورلرک اشبوا عانه یه اشتراکری اختیارلرینه معلقدر .

ماده : ۴ اشبو قانونک اجرا سنه هیأت وکلا مأمورددر .

ماده : ۵ اشبو قانون نشری تاریخندن اعتباراً مرعی الاجزادر .

قوة اجرائیه جه ۱۳ صفر سنه ۱۳۳۲ و ۲۹ کانون اول سنه ۳۲۹ تاریخنده تنظیم و موقتاً موقع اجرا یه وضع اولنان اشبو لایحه قانونیه ۱۰ حزیران سنه ۳۳۰ تاریخنده مجلس عمومیجه تصدیق اولنمشکدر .

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم

۲۰ شعبان ۱۳۳۲ ۱ تموز ۱۳۳۰

محمد رشاد

صدر اعظم و خاریجه ناظری	شیخ الاسلام و اوقاف هایون ناظری	حریه ناظری و بحریه ناظری و کیلی انور
محمد سعید	خیری	
داخلیه ناظری	عدلیه ناظری و شورای دولت رئیس و کیلی	مالیه ناظری
طلعت	ابراهیم	جاوید
تجارت و زراعت ناظری	معارف ناظری	پسته و تلگراف و تله فون ناظری
سلیمان البستانی	احمد شکری	اوسقان

قانون صورتیدر :

- ماده : ۱ تنسيق قوميسيونلرنجه ابتداءً وتدقيق تنسيقات قوميسيونلرنجه اعتراضاً ويرلش اولان قرارلرده شوراي دولت مالكيه دائره سنجه درجه اخيره ده ويريلان قرارلر كي قطعيدر. بعدازين تنسيق و ذيل تنسيق قانونلري هيچ بروجله تطبيق ايديله ميه جكدري.
- ماده : ۲ بيك اوچيوز يكرمي يدي سنه سي موازنه ماليه قانوننك تنسيق قانوننك يدينجي ماده سني معدل اولان اون بشنجي ماده سنك حكمي باقيدر.
- ماده : ۳ اشبو قانون تاريخ نشرندن اعتباراً مرعي الاجرادر .
- ماده : ۴ اشبو قانونك اجراي احكامنه هيئت وكلا مأموردر.
- قوة اجرائيه جه ۱۴ محرم سنه ۱۳۳۲ تاريخنده ۱۹ كانون اول سنه ۳۲۹ تاريخنده تنظيم وموقتاً موقع تطبيقه وضع ايديلان اشبو لايحه قانونيه ۶ تموز سنه ۳۳۰ تاريخنده مجلس عموميجه قبول ايدلمشدر .
- مجلس اعيان ومبعوثانجه قبول اولنان اشبو لايحه نك قانونيتي وقوانين دولته علاوه سني اراده ايلدم .
- ۱۰ رمضان ۱۳۳۲ ۲۰ تموز ۱۳۳۰

محمد رشاد

داخليه ناظري	حريه ناظري	شيخ الاسلام و اوقاف هايون ناظري	صدر اعظم وخارجيه ناظري
طلعت انور	خيري	عديله ناظري	محمد سعيد
نافعه ناظري	بحريه ناظري	عديله ناظري	شوراي دولت رئيس و كيلي
محمود جاويد	احمد جمال	معارف ناظري	ابراهيم
پوسته وتلغراف وتله فون ناظري	احمد شكري	تجارت وزراعت ناظري	سليمان البستاني
اوسقان			

—•••••—

فتاوى شريفة

حج :

اوزرينه حج فرض اولان هندك قابل زوال اولميان عجزى اولمغله بنفسها حجه كيمكه قادره اوليوب زيدى كندو دن حج ايتك ايچون نائب ايدوب زيد دخی واروب هند طرفندن حج ايلسه صحيح اولورمى. الجواب : اولور .

*
* *